

# Ժողովուրդ

105  
(2955)

31 հունիսի չորեքշաբթի 2024  
տպագրության ԺԳ տարի


Ք. Երևան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՄՅՈՒՌՈՆԻ ՕՐՆՈՒԹՅԱՄԲ ՄԱՅՐ ՏԱՃԱՐԸ ԿՐԿԻՆ ԿԲԱՅԻ ԻՐ ԳՌՆԵՐԸ



Սեպտեմբերի 28-29-ը Մայր Աթոռ Սուրբ Էջմիածնում կարելու իրադարձություններ են սպասվում. տեղի կունենան Մայր Տաճարի վերածնունդի և սրբալույս Մյուռնի օրհնությունը:

Մայր աթոռում, Ամենայն Հայոց Կաթողիկոսի գլխավորությամբ, պատրաստվում են այս կարևոր իրադարձություններին, քանի որ մտադիր են հավուր պատշաճի և մեծ շուքով կազմակերպել ծիսակատարությունները:

Ավելին, մեր աղբյուրների փոխանցմամբ՝ ի թիվս շատ հյուրերի Ամենայն Հայոց կաթողիկոսը 1500 սփյուռքահայի է հրավիրել՝ արարողությանը մասնակցելու:

Հիշեցնենք, որ Գրիգոր Լուսավորչի կարգադրությամբ 4-րդ դարի սկզբին կառուցված Սուրբ տաճարի նորոգման հետազոտական աշխատանքները սկսվել են դեռ 2012 թվականի գարնանից, իսկ 2018-ից անցան բուն շինարարական աշխատանքներին:

Վերանորոգման աշխատանքները նախատեսվել էին ավարտին հասցնել 2022 թվականին, բայց պարբերաբար, ինչ-ինչ պատճառներով այն հետաձգվում էր:

Նորոգման աշխատանքներն այժմ ամբողջությամբ ավարտվել են, իսկ սեպտեմբերին Մայր Տաճարի վերածնունդի և Մյուռնի օրհնությամբ Էջմիածնի Մայր տաճարը կրկին կբացի իր դռները:

Նկատենք, որ այդ պատմական իրադարձության շրջանում եկեղեցի-ՀՀ իշխանություն լարվածությունը մեծ թափ է հավաքում, թե՛ քննարկումներ են ընթանում, թե արդյոք Նիկոլ Փաշինյանին և իշխանության մյուս ներկայացուցիչներին պե՛տք է հրավիրել, թե՛ հարկ է առաջնորդվել՝ «Աստուծո տաճար գալու համար հրավեր չի լինում» պատգամով:

Մայր աթոռում չգիտեն ինչպես վարվել, արդյոք հրավերի դեպքում Նիկոլ Փաշինյանը կամ իշխանության ներկայացուցիչները կգա՞ն, թե՛ հերթական անգամ կխուսափեն Կաթողիկոսի հետ դեմ առ դեմ հանդիպումից:

«Ժողովուրդ» օրաթերթին հայտնի դարձավ, որ այս տարվա փետրվարի 1-ին ՌԴ դրոշի ատրիբուտները պղծող ՀՀ քաղաքացի Սամվել Շիրինյանի գործով դատարանը վճիռ է կայացրել: Սամվել Շիրինյանը մեղավոր է ճանաչվել ՀՀ քրեական օրենսգրքի 329-րդ հոդվածի 2-րդ մասի 3-րդ կետով նախատեսված հանցագործության կատարման համար, և նրա նկատմամբ պատիժ է նշանակվել ազատազրկումը՝ 1 տարի ժամկետով: ՀՀ քրեական օրենսգրքի 84-րդ հոդվածի կիրառմամբ Սամվել Շիրինյանի նկատմամբ նշանակված ազատազրկման ձեռով պատիժը պայմանականորեն չի կիրառվել՝ սահմանելով փորձաշրջան 3 տարի ժամկետով: Ինչպես հայտնի է՝ Հայաստանում Ռուսական տան դեկավար Վադիմ Ֆեֆիլովը դիմել էր ՀՀ գլխավոր դատախազին՝ Երեանում Լեւոն Գրիգորյանի պաշարման ժամանակ զոհված երեխաների հիշատակին նվիրված հուշակոթողի նկատմամբ անհարգալից միջադեպի գործով: «Ազգամիջյան աստվածությունը հրահրելը և բռնության կոչերը՝ Երկրորդ համաշխարհային պատերազմի դեպքերի հիման վրա, անընդունելի են: Տեղի ունեցածի մեղավորները պետք է պատասխանատվության ենթարկվեն: Պարզվել էր, որ հունվարի 27-ին քաղաքացի Սամվել Շիրինյանը ցուցադրաբար պոկել է տրորել է Ռուսաստանի Դաշնության դրոշը խորհրդանշող ժապավենները, տապալել է ծաղկեպսակները՝ այդ ամենն ուղեկցելով Ռուսաստանի հասցեին վիրավորական մեկնաբանություններով և իր գործողությունը Tik Tok սոցիալական ցանցում տեղադրելով»,- գրել էր նա: ArmLur.am-ը հայտնել էր, որ Սամվել Շիրինյանը հայտնաբերվել էր Բագրատաշենի անցակետից. նա ցանկացել էր հատել ՀՀ սահմանը, սակայն իրավապահները կարողացել էին կանխել նրա փախուստը:



Երբեմնի ընդդիմադիր գործիչ, Վահե Հակոբյանի ղեկավարած «Վերածնվող Հայաստան» կուսակցության հիմնադիրներից հանդիսացող Քաջարա-նի քաղաքացու «ծաղկային դիվանագիտությունը» տապալվել է: Թեև 2022 թվականին Փարամազյանը Նիկոլ Փաշինյանի տիկնոջը՝ Աննա Հակոբյանին, ծաղիկներ նվիրեց, փոխարենը, ըստ պաշտոնական աղբյուրներից ստացված տեղեկությունների, օրերս Աննա Վարդապետյանից ստացել է ծանուցագրեր՝ իր ենթադրյալ ապօրինի ծագման միլիարդները հետ վերադարձնելու թեմայով: Ուշագրավն այն է, որ Փարամազյանն իր պաշտոնական կենսագրությունը սկսել է սրբագրել՝ գրելով, որ ՌԴ Օմսկ քաղաքում ընդունվել է բուհ, բայց չի սովորել այնտեղ՝ ՀՀ-ում՝ աշխատանքի անցնելու պատճառով: Փարամազյանը հաշվի չի առել, որ «Ժողովուրդ» օրաթերթի տրամադրության տակ է իր կենսագրության սկզբնական՝ ենթադրյալ կեղծ տարբերակը, ըստ որի՝ նա ավարտել է սույն բուհը և ստացել իրավաբան-իրավագետի որակավորում (Լուսանկարները տե՛ս ArmLur.am կայքում):



«Ժողովուրդ» օրաթերթի տեղեկությունների համաձայն՝ նախօրեին իշխանական մի խմբով նիստ է գումարվել, որի ընթացքում քննարկվել է ՀՀ առողջապահության նախարար Անահիտ Ավանեսյանի հեռացման հարցը: Հայտնի է, որ տեղական ժամանակ է, ինչ իշխանությունները դժգոհ են առողջապահության նախարար Անահիտ Ավանեսյանի աշխատանքից, փորձում են գտնել այնպիսի մեկին, ով կփոխարինի մասնագիտությամբ իրավաբան առողջապահության ոլորտի գլխավոր կազմակերպչին՝ նախարարին: «Ժողովուրդ» օրաթերթի աղբյուրների փոխանցմամբ՝ այդ նիստի ժամանակ քննարկվել է Ավանեսյանին փոխարինողի պաշտոնում ընտրել նրա տեղակալ Լեւոն Հակոբյանին: Նշենք, որ առողջապահության նախարարի տեղակալ Լեւոն Հակոբյանը տեղակալի իր հաստիքին նշանակվել է 2019 թվականի մարտի 25-ին, սակայն, մինչև տեղակալ աշխատելը, իր գործունեությունը սկսել է Երեանի քաղաքապետարանի աշխատակազմի առողջապահության վարչությունից: Թիվ 5 պոլիկլինիկայում վերջինս եղել է տնօրենի ժամանակավոր պաշտոնակատար: «Ժողովուրդ» օրաթերթը երեկ ողջ օրվա ընթացքում փորձեց պարզել այս տեղեկությունը հենց Լեւոն Հակոբյանից, սակայն վերջինիս աշխատանքային հեռախոսազանգերին այդպես էլ որևէ մեկը չպատասխանեց: Նույն հարցով դիմեցինք նաև առողջապահության նախարար Անահիտ Ավանեսյանի մամուլի խոսակ Մարիամ Ծատրյանին, որը մեզ հետ զրույցում ասաց, որ ոչ մի տեղեկություն չունի, և այս պահին ընթանում է բնականոն աշխատանք՝ նախարար Ավանեսյանի գլխավորությամբ:



ԶՐՈՒՅՑ

# «ԻՇԽԱՆՈՒԹՅՈՒՆԸ ԼՐՈՒՂԱՆԻՆ ՉԻ ԱՐՉԱԳԱՆՔԻ»

Աժ «Պատիվ ունեն» խմբակցության ղեկավար Հայկ Մամիջանյանը «Ժողովուրդ» օրաթերթի հետ զրույցում նշում է՝ «ընդդիմությունը, եթե այս քննադատ արդյունավետ աշխատանք լինեք, ապա հիմա կառավարության դաժնունակ կայրում Նիկոլ Փաշինյանի լուսանկարը չէր լինի»:

Աժ պատգամավորը վստահեցնում է՝ ընդդիմությունը նոր թեկնածուի հարց չի քննարկել, սատարելու են Բագրատ Սրբազանին:

«Պարոն Մամիջանյան, շուրջ երկու տարի ընդմիջումից հետո սահմանին կայացել է Հայաստանի եւ Ադրբեջանի արտաքին գործերի նախարարների՝ Արարատ Միրզոյանի եւ Սերդար Բըլըջի հանդիպումը: Հանդիպումից օրեր առաջ էրդոհանը սպառնալից հայտարարություն է արել՝ ինքնախոստովանություն այն մասին, որ Թուրքիայի բանակը անմիջական մասնակցություն է ունեցել 44-օրյա պատերազմին: Ձեր կարծիքով՝ Ի՞նչ պետք է սպասել այս հանդիպումից: Ի՞նչ է այն տալու հայ-թուրքական հարաբերությունների զարգացման ֆոնին:

«Ես կարծում եմ, որ այս հանդիպումներից ոչինչ սպասել պետք չէ: Եվ ոչ միայն այն պատճառով, որ Փաշինյանի թիմը ունակ չէ բանակցություններ վարելու, այլ նաեւ այն պատճառով, որ որեւէ շոշափելի օրակարգ չկա: Վերջին պայմանավորվածություններից՝ 3-րդ երկրների քաղաքացիների համար սահմանի բացումը, որը մինչեւ այսօր տեղի չի ունեցել՝ ինչպես իրենց կողմից պայմանավորված ամեն բան:

Հուլիսի 1-ին պիտի սահմանազանն եւ սահմանազատման հարցում առաջընթաց լինեք, բայց չկար:

Ինչ վերաբերում է էրդոհանի հայտարարությանը, ապա դա նոր չէ: Թուրքիայի խորհրդարանում 2020 թվականի բյուջեի կատարողականի զեկուցման ժամանակ, եթե չեմ սխալվում իրենց փոխվարչապետը, ձեռքբերումները թվարկելիս նշեց, որ Թուրքիան անմիջականորեն ներգրավված է եղել 44-օրյա պատերազմում: Ես ակնկալիքներ չունեմ, որ այս «իշխանություն» կոչվածները որեւէ



կերպ կարծազանքեն վերոնշյալ հայտարարություններին: Իրենք արձագանքում են բացառապես ընդդիմադիրներին: Ադրբեջանից եւ Թուրքիայից հնչող ռազմատենչ կամ վիրավորական արտահայտություններին իրենք չեն պատասխանում:

«Հայկական կողմից արձագանք չկա, սակայն Ադրբեջանն է ծանր տարել եւ հերքել է՝ նշելով, որ որեւէ այլ երկրի բանակ չի մասնակցել 44-օրյա պատերազմին. սա կարող է որեւէ կերպ անդրադառնալ ադրբեջանաթուրքական հարաբերությունների վրա:

«Իհարկե չի կարող: Չարժե մտնել մատի եւ մատանու արանքը. նման հայտարարությունները որեւէ լուրջ հետեւանք չեն կարող ունենալ՝ հաշվի առնելով Ադրբեջանի կախումը Թուրքիայից:

Ինչ վերաբերում է այս հանդիպմանը, ապա մոռացա նշել, որ արդեն որերորդ անգամ, վերջին վեց տարիների ընթացքում վատ ավանդույթ դարձած հանդիպման մասին հայկական կողմը ոչինչ չէր ասել, Հայաստանում որեւէ մեկը, թե՛ պաշտոնական, թե՛ ոչ պաշտոնական դիրքերից ոչինչ չէր ասել: Հայկական տիրույթ այդ ինֆորմացիան եկել է թուրքական լրատվական հարթակից, ապա մերձիշխանական մի լրագրող «Թվիթեր»-ում գրառում էր կատարել:

Ամեն բան շարունակվում է նույն ձեւով: Իշխանությունները թաքցնում, ժողովրդի մեջքի ետեւում վարում են բանակցություններ՝ անհասկանալի օրակարգով, անհասկանալի, չհստակեցված կարմիր գծերով. որեւէ բան չի փոխվել: **Զրույցը ընդհատվեց ՄՈՒՇԵՆՅԱՆԸ**

## ՓՈՓՈԽՈՒԹՅՈՒՆՆԵՐԻ ՄԹՆՈՒՈՐՏ Է. ԲԱԳՐԱՏ ՍՐԲԱԶԱՆ

Բագրատ Սրբազանի առաջնորդած պայքարի շրջանակում հանդիպումները Հայաստանի տարբեր մարզերի բնակիչների հետ շարունակվելու են: Առաջիկայում Սրբազան պայքարի մասնակիցները Գեղարքունիքի մարզ են այցելելու: Այդ մասին լրագրողների հետ զրույցում ասաց պայքարն առաջնորդող Բագրատ Սրբազանը: Ինչ վերաբերում է օրերս Վայոց ձորի մարզ կատարած այցին, ապա Սրբազանը նշեց՝ արդյունքները առավել քան տպավորիչ են, մարդիկ ոգեւորված են, սպասումները շատ մեծ են. իրենց շատ ջերմ են դիմավորել, քննարկումներն ու հանդիպումներն արդյունավետ են եղել: Սրբազան պայքարին ողջույններ են ուղարկել նաեւ մեր մարտական դիրքերից:

«Գյուղում տուն չկար, որ չողջունեք, տուն չհրավիրեք, մարդիկ չկանգնեին, չխոսեին: Այնպես որ, վերստին պիտի հաստատեմ մեր երկրում ամկա մթնոլորտը փոփոխությունների մթնոլորտ է: Եվ մեզ մնում է դրանք ճիշտ ճանապարհով հասցնել տեղ», - ասաց Բագրատ Սրբազանը:

## «ՁԱՆԳԵԶՈՒՐԻ ԵՐԹՈՒՂԻՆ» Ի ՎՆԱՍ ՀԱՅԱՍՏԱՆԻ

Իրանի Իսլամական Հանրապետությունը «Ձանգեզուրի երթուղին» համարում է ի վնաս Հայաստանի եւ շարունակում է տեղ կանգնել այս դիրքորոշմանը: Այս մասին, ինչպես գրում է Mehr գործակալությունը, ասել է Իսլամական հեղափոխության գերագույն առաջնորդ Սեյեդ Ալի Խամենեյին 33 վարչապետ Նիկոլ Փաշինյանի հետ հանդիպմանը:

«Մենք խորապես հավատում ենք Հայաստանի հետ հարաբերությունների զարգացմանը: Երկու երկրների միջեւ համագործակցությունը կշարունակվի շահերի հիման վրա եւ անկախ այլ մարդկանց քաղաքականությունից: Օտարերկրացիները չպետք է սահմանափակումներ ստեղծեն երկրների՝ հարեւանների հետ հարաբերությունների համար», - ասել է նա:

Փաշինյանն իր հերթին ասել է, որ Հայաստանը բազմիցս հայտարարել է, որ չի ընդունում ոչ մի անդրտարածաշրջանային երթուղի իր տարածքում:

## ՊԵՏԱԿԱՆ ԱՏԼԱՍ

Հայաստանի Հանրապետության Նոր Պետական ատլասի տեխնիկական առաջադրանքի կազմման եւ մշակման նպատակով միջգերատեսչական աշխատանքային խումբ կստեղծվի, որոշումը ստորագրել է փոխվարչապետ Տիգրան Խաչատրյանը:

Աշխատանքային խմբի համակարգողը կլինի 33 կադաստրի կոմիտեի ղեկավարի՝ համապատասխան ոլորտը համակարգող տեղակալը: Նա եռամսյա պարբերականությամբ Հայաստանի Հանրապետության վարչապետի աշխատակազմ պետք է ներկայացնի տեղեկատվություն աշխատանքային խմբի կատարած աշխատանքների իրականացման ընթացքի մասին: Խմբի կազմում կլինեն նաեւ ԱԱԾ աշխատողներ, ներկայացուցիչ ՊՆ-ից, այլ նախարարություններից ու պետական կառույցներից: Կազմում է նաեւ ԵՊՁ ղեկավորը:

## ԼՈՒՐԵՐ

### ԳԵՄՊԱՆՆԵՐԸ ԱՆՑԿԱՑՐԵԼ ԵՆ 5-ՐԳ ՀԱՆԳԻՊՈՒՄԸ

Հուլիսի 30-ին Հայաստանի եւ Թուրքիայի կարգավորման գործընթացի հատուկ ներկայացուցիչներ, Հայաստանի Ազգային ժողովի նախագահի տեղակալ Ռուբեն Ռուբինյանը եւ դեսպան Սերդար Բըլըջը հինգերորդ հանդիպումն են անցկացրել երկու երկրների սահմանի Մարգարա-Ալիջան անցման կետում:

Ինչպես հայտնում են 33 ԱԳՆ-ից՝ նրանք վերահաստատել են նախորդ հանդիպումների ընթացքում ձեռք բերված պայմանավորվածությունները:

Բացի այդ, նրանք պայմանավորվել են տարածաշրջանային զարգացումներին համապատասխան գնահատել տեխնիկական կարիքները, որոնք հնարավորություն կընձեռեն գործարկել Ախուրիկ/Աքյաքա երկաթուղու սահմանային անցակետը, ինչպես նաեւ փոխադարձաբար դյուրացնել վիզայի ընթացակարգերը դիվանագիտական/պաշտոնական անձնագրեր ունեցողների համար:

### «ՀՈՒՆԻՑ ՀԱՆԵԼ Է ԲԱՔՎԻՆ» S. ԱՐԱՐԱՄՅԱՆ

«Թուրքիայի նախագահի խոստովանությունը՝ Արցախի դեմ պատերազմ սանձազերծելու ու Արցախ ներխուժման գործում ուղիղ մասնակցություն ունենալու վերաբերյալ, հունից հանել է Բաքվին», - այս մասին իր ֆեյսբուքյան էջում գրել է 33 ԱԺ պատգամավոր Տիգրան Արախամյանը:

«Ադրբեջանից մեկնաբանելով էրդոհանի հայտարարությունը՝ այն որակել են հիմքերից զուրկ, նշելով, որ Թուրքիան ու Պակիստանը միայն քաղաքական աջակցություն են ապահովել 44-օրյա պատերազմում:

Այսպիսով նոր բան չեմ ասի, եթե նշեմ, որ ռեզիդենտներ կայացված հիմնական դե-

րակատարների համար ի սկզբանե պարզ էր Թուրքիայի ուղիղ մասնակցությունը պատերազմական գործողություններին՝ ահաբեկիչների հավաքագրումից մինչեւ օպերացիաների պլանավորում, մշակում, որոշ գնահատականների կիրառում եւ այլն:

Հիմա ո՞րն է խնդիրը, որ Բաքվից նյարդայնություն են դրսեւորում. կոտրվում է քարոզչական այն հիմնասյուններից մեկը, թե իրենց բանակը մարտունակության այն մակարդակին է եղել, որ պատերազմ է հարթել, սա այն դեպքում, որ մի կողմից Թուրքիայի մասնակցությունն է եղել, մյուս կողմից 33 իշխանության նպատակային տապալումները:

Երկրորդ, Ադրբեջանը միշտ փորձել է կեղծ թեզեր շրջանառել, որ հայկական կողմը 90-ականների պատերազմն արտաքին օժանդակությամբ է հարթել, իսկ հիմա նրա գլխավոր դաշնակիցը թեման Բաքվին է վերադարձնում:

Մի բան շատ ակնհայտ է. 2020 թվականին պատերազմն այսպիսի խայտառակ էլք չէր ունենա, եթե 33-ում իշխանության ղեկին չլինեք այս հանձնողականների, պարտավորականների, հայրենավաճառների հավաքածուն», - գրել է նա:

ԻՐԱՎԻՃԱԿ

ԱՆՅԱՄԱՊԱՏԱՍԽԱՆՈՒԹՅՈՒՆ

Ն. ՎԱՐՂԱՆՅԱՆԸ ՊԱՐԶԱԲԱՆՈՒՄ ՉԻ ՆԵՐԿԱՅԱՑՐԵԼ

ՄԱՐԱՑԵԼ Է ԱԺ ՆԱԽԿԻՆ ՊԱՏԳԱՄԱՎՈՐ ՎՈՒՂՈՒՅԱ ԲԱԴԱԼՅԱՆԸ



Մահացել է հասարակական-քաղաքական գործիչ, ՀՀ Ազգային ժողովի նախկին պատգամավոր Վուղոյա Բադալյանը:

Նա 76 տարեկան էր: Հոգեհանգստի արարողությունը տեղի կունենա հուլիսի 31-ին՝ ժամը 18:00-ին Սուրբ Սարգիս (Նոր Նորքի 5-րդ գանգված) եկեղեցում: Վերջին հրաժեշտը՝ նույն վայրից՝ օգոստոսի 1-ին՝ 12:30-ին:

Armlur.am-ի եւ «Ժողովուրդ» օրաթերթի խմբագրությունը ցավակցում է Բադալյանի ընտանիքի անդամներին եւ հարազատներին:

ՀԱՐԱԲԵՐՈՒԹՅՈՒՆՆԵՐԸ ԵՄ-Ի ՀԵՏ

Հայաստանը ներկայում անցնում է Եվրամիության հետ հարաբերությունների էական խորացման գործընթաց: Այս մասին Կիարոսի ԱԳ նախարարի հետ մատչելի ժամանակ ասել է Հայաստանի ԱԳ նախարար Արարատ Միրզոյանը:

«Վիզաների ազատականացման շուրջ երկխոսության մեկնարկը եւ Խաղաղության եվրոպական գործիքի ներքո Հայաստանին աջակցություն տրամադրելու որոշումներն ավելի մեծ համագործակցության, ավելի մեծ պատկերի միայն երկու օրինակն են: Մենք ներկայում անցնում ենք ԵՄ-ի հետ մեր հարաբերությունների էական խորացման գործընթաց, ունենք գործընկերության նոր օրակարգ, մենք մտածում եւ աշխատում ենք նոր մեխանիզմների եւ գործիքների շուրջ, որոնք կարող են օգտագործվել: Ավելացնեն նաեւ, որ Հայաստանի ժողովուրդը, մենք ունենք եվրոպական ձգտումներ, եւ ԵՄ-ն ճանաչում է այդ ձգտումները, ուստի հիմա մենք միասին մտածում եւ աշխատում ենք, ինչպես ասացի, նոր գործիքների, Հայաստանը ԵՄ-ին ու անդամ երկրներին եւ հակառակն ավելի մոտեցնելու նոր մեխանիզմների շուրջ: Կցանկանայի նաեւ կրկնել այն արտահայտությունը, որը ՀՀ վարչապետն ասաց Եվրոպական խորհրդարանում իր ելույթում. «Հայաստանն իր կողմից պատրաստ է ԵՄ-ին մոտենալ այնպես, որքան ԵՄ-ն դա հնարավոր կհամարի», - ասել է Միրզոյանը:

Նախարարը հավելել է, որ ոչ միայն ԵՄ-ի, այլ նաեւ ԱՄՆ-ի հետ Հայաստանը համատեղ աշխատում է ծրագրի վրա, որի նպատակն է բարձրացնել Հայաստանի Հանրապետության դիմակայունության մակարդակը այս դժվարին ժամանակներում՝ նկատի ունենալով այն սպառնալիքներն ու մարտահրավերները, որոնք կան Հայաստանում եւ Հայաստանի շուրջ:

«Քաղաքացիական դայմանագիր» խմբակցության ավագանու անդամ Նուարդ Վարդանյանը չի ներկայացրել դարաքաբանում իր հայտարարումն առկա անհամադասասխանությունների վերաբերյալ:

«Ժողովուրդ» օրաթերթը 2024 թվականի փետրվարին հրապարակել էր «Նուարդ Վարդանյանի հայտարարագրում կեղծի՞ք կա» վերտառությամբ հոդված:

Հոդվածում, մասնավորապես, ասվում է. «Ուսումնասիրելով պաշտոնատար անձանց հայտարարագրերը՝ հաճախ ենք առնչվում անճշտությունների, կոռուպցիոն ռիսկեր պարունակող տվյալների, ինչպիսիք են, օրինակ, միլիոնավոր կանխիկ դրամական միջոցները, որոնց աղբյուրները նշված չեն, մեկ օրում մի քանի տուն գնելու փաստերը եւ այլն: Այս անգամ թիրախում է Երեւանի ավագանու իշխող խմբակցության անդամ Նուարդ Վարդանյանը, որը Ford մակնիշի ավտոմեքենայի առուվաճառքի մեջ է: «Քաղաքացիական պայմանագիր» խմբակցության ավագանու անդամ Վարդանյանի հայտարարագրերը առաջացնում են հարցեր, բայց ոչ Կոռուպցիայի կանխարգելման հանձնաժողովի շրջանում: Այսպես, Վարդանյանը 2021թ. հայտարարագրում նշում է, որ 2022 թվականին ձեռք է բերել 2018 թվականի արտադրության Ford մակնիշի մեքենա, ինչը գուշակության ոլորտից է: Նույն 2021թ. հայտարարագրի համաձայն՝ Վարդանյանը Տիգրան Ավինյանի եղբայր Դավիթ Ավինյանից ձեռք է բերել եւս մեկ Ford՝ 2018 թվականի արտադրության, եւ տարվա վերջի դրությամբ հայտարարագրել է 2 Ford մակնիշի մեքենա: 2022թ. սկզբում ոչ միայն «անհետանում է» Ford-երից մեկը, այլեւ վաճառքից առաջ փոխվում է մյուս Ford-ի տարբերակ՝ 2018 թվականի արտադրության դառնում է մեկ տարով նոր՝ 2019 թվականի արտադրության:



Հետաքրքիր զուգահեռությամբ ՔՊ-ականների գրեթե բոլոր ձեռքբերումները (բնակարան, ավտոմեքենա, հագուստ, այլ) արձանագրվել են 2018թ. իշխանափոխությունից հետո: Ստացվում է, որ Նուարդ Վարդանյանը իրեն պատկանող Ford մակնիշի մեքենան, որը ձեռք է բերել 2018 թվականին 4 մլն դրամով (գրեթե 10 հազար ԱՄՆ դոլար), 2022 թվականին վաճառել է 13 հազար ԱՄՆ դոլարով որպես 2019 թվականի արտադրության մեքենա: Ըստ հայտարարագրի՝ Վարդանյանը 3 հազար ԱՄՆ դոլարի օգուտ է ստացել եւ փոխել մեքենայի արտադրման տարեթիվը: «Ժողովուրդ» օրաթերթը կապվեց ՔՊ խմբակցության ավագանու անդամ Նուարդ Վարդանյանի հետ՝ հասկանալու համար՝ ինչպես է դա ստացվել:

«Ընդհանրապես այդ հայտարարագիրը ոտքից գլուխ՝ ամբողջովին, սխալ է: Ես իրենց (Կոռուպցիայի կանխարգելման

հանձնաժողով) նամակով էլ եմ դիմել, որ ուղղեն: Իրենք չեն ուղղել, եւ դա իմ սխալմունքը չէ: Խնդրում եմ իրենց հետ կապվեք, որովհետեւ մի տան մասին էլ, որ ունեն Կենտրոն վարչական շրջանում, երեք անգամ նշված է: Դիմել եմ իրենց, ասացին՝ Ձեզ կող կուղարկենք, համակարգի սխալ է եղել, Դուք կուղղեք: Այդ կողմ մինչեւ հիմա չեն ուղարկել: Ես չեմ կարող իրենց փոխարեն պատասխանել»: Ինչպես միշտ՝ բոլորը մեղավոր են, բացի ՔՊ-ականներից:

Ստացվում է, որ Նուարդ Վարդանյանը իրեն պատկանող Ford մակնիշի մեքենան, որը ձեռք է բերել 2018 թվականին 4 մլն դրամով՝ գրեթե 10 հազար ԱՄՆ դոլար, 2022 թվականին վաճառել է 13 հազար ԱՄՆ դոլարով որպես 2019 թվականի արտադրության մեքենա: Ըստ հայտարարագրի՝ Վարդանյանը 3 հազար ԱՄՆ դոլարի օգուտ է ստացել եւ փոխել մեքենայի արտադրման տարեթիվը:

Հրապարակման մեջ շրջանառվող տեղեկատվության հիման վրա՝ Կոռուպցիայի կանխարգելման հանձնաժողովն իրականացրել է Նուարդ Վարդանյանի՝ 2021 եւ 2022 թվականների տարեկան հայտարարագրերում հայտարարագրված տվյալների ստուգում, ինչի արդյունքում Հանձնաժողովը որոշել է ՀՀ ՆԳՆ ոստիկանության «Ճանապահային ոստիկանություն» ծառայությունից եւ Պետական եկամուտների կոմիտեից հայցել տեղեկատվություններ, համապատասխանաբար, Նուարդ Վարդանյանին պատկանող տրանսպորտային միջոցների եւ վերջինիս եկամուտների վերաբերյալ, որոնց համադրության արդյունքում արձանագրված անհամապատասխանությունների վերաբերյալ Նուարդ Վարդանյանից պահանջվել է Հանձնաժողով ներկայացնել պարզաբանում:

Պարզաբանումը հաշվետու ժամանակահատվածի վերջի դրությամբ չի ստացվել:

ԷԼՄԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

ԱԳՐԵՋԱՆԱԿԱՆ ՎԱՆԴԱԼԻԶՄԻ ԶԱՂԱՔԱԿԱՆՈՒԹՅՈՒՆԸ

Աղրբեջանական վանդալիզմի քաղաքականությանն անդրադարձել է ՀՀ ԱԺ պատգամավոր Լիլիթ Գալստյանը: Ստորեւ ներկայացնում ենք գրառումը՝ համառոտ:

«Արցախի մշակութային ժառանգության նկատմամբ Աղրբեջանակն վանդալիզմի, ոչնչացման կամ յուրացման քաղաքականությունը շարունակվում է: Իրենց այս «գործունեության» մեջ աղրբեջանցիները միջազգային գործընկերներ են գտել եւ, ցավալիորեն, ձեռքբերն հասել է Վատիկան:

Վատիկանում լույս տեսող L'Osservatore Romano պարբերականում, Ռոսսելա Ֆաբիանիի ստորագրությամբ օրերս լույս է տեսել «Քրիստոնեության ակունքներն Աղրբեջանում. ալբանական առաքելական եկեղեցու հետքերով» բովանդակությամբ մի հոդված, ուր հեղինակը ներկայացնում է «Կովկասյան Ալբանիա»՝ իրականում Արցախ կատարած իր այսպես կոչված ուսումնասիրական-ճանաչողական այցը:

Հղում անելով տեղացի ինչ-որ գիտաշխատողի՝ հոդվածագիրը տարածում-ամրագրում է տարածաշրջանում հայերի եկվորության վարկածը՝ արձանագրելով, որ

մենք աղրբեջանական հողեր են եկել Իրանից եւ Թուրքիայից: Մեկ այլ հաստատման համաձայն ուղիները բռնի դավանափոխ են եղել եւ առաքելական եկեղեցու հետեւորդ դարձել տեղի հայերի կողմից:

Աղրբեջան կատարած այցի ընթացքում Ռ. Ֆաբիանիին ուղեկցել է Ախունդովի աշակերտ, ալբանական մշակույթի «գիտակ» Ս. Հաջիեան: Եվ, բնականաբար, հեղինակն անվերապահորեն եզրահանգում է կատարում, որ 13 դ. վանական համալիրներ Դադիվանքը /հոդվածում հունդավենք է գործածվում/ եւ Գանձասարը/ հոդվածում՝ Գենջասար/ Աղրբեջանի տարածքում գտնվող ալբանական մշակույթի եւ ալբանական եկեղեցու խոշորագույն դրսեւորումներ են:

Ինչպես տեսնում եք Արցախի հայկական հետքի վերացման աղրբեջանական քաղաքականությունը նոր օրակներ եւ դրսեւորումներ է ստանում: ... Ի դեպ վերոհիշյալ հոդվածում Դադիվանքը ներկայացվում է որպես ալբանական Վատիկան:

Հիշենք, որ «L'Osservatore Romano»-ն Վատիկանի միակ, ամենօրյա պարբերականն է, որ լույս է տեսնում 1861-ից...

Թե Աղրբեջանում սա ինչպես են հիմնավորում, պարզ է. հայկական մշակույթի յուրացումը կամ ոչնչացումն Աղրբեջանում պետական քաղաքականության առաջնահերթություն է:

Իսկ ԻՆՉ ԵՆ ՄՍԱԾՈՒՄ ՀԱՅԱՍՏԱՆԻ ԱԳՆ-Ն ԵՎ ԿԳՄՍ-Ն: Արցախի էթնիկ գտումին հաջորդող մշակութային ցեղասպանությունն էլ պիտի հանդուրժե՞ք...

Հ.Գ. Իսկ ոչ վաղ անցյալում, Քրիստոնեության 1700 ամյակի շրջանակում Հռոմի պապ էր այցելում Հայաստան, Վատիկանում Սուրբ Նարեկացու արձան էր տեղադրվում ու Տեղասպանության զոհերի հիշատակի պատարագ մատուցվում:

Հ.Գ. 2. բայց որքանով է արդարացված «Հայ ժողովրդի պատմությունը» «Հայաստանի պատմության» մեջ գետեղած իշխանություններից ակնկալիք ունենալը...»:

ԻՍՐԱՅԵԼԻ ԲԱՅԼԵՐԻ ԱՌՆՉՈՒԹՅԱՐ

Իսրայելը Գոլանի բարձունքների վրա գտնվող Մաջդալ Շամս գյուղի վրա հարձակման պատրվակով Լիբանանի վրա հարձակման դեպքում կբախվի ամենավճճական պատասխանին: Դրա մասին հայտարարել են Իրանի հոգեւոր առաջնորդ այաթոլլա Ալի Խամենեյի խորհրդական եւ Իսլամական Հանրապետության միջազգային հարաբերությունների ռազմավարական խորհրդի ղեկավար Քամալ Խարազին:

«Իսրայելը պետք է իմանա, որ եթե դիմի այս ռիսկին, կբախվի կոշտ պատասխանի:», - շեշտել է Խարազին:

ՈՐՈՒՆ ԿՅԱՆՔԻՑ ԶՐԿԵԼ Է ՍՈՐԸ

# 73-ԱՄՅԱ ԿՆՈՋ ՄՊԱՆՈՒԹՅԱՆ ԱՌԵՂԾՎԱԾԸ

Ավարտվել է որդու կողմից մորը ծանր մարմնական վնասվածքներ դասճանաչելու, սղանուրային դեղերի առթիվ նախաձեռնված ֆրեակայան վարույթի նախաֆնոնությունը:

ՀՀ քննչական կոմիտեի Երևան քաղաքի քննչական վարչության Շենգավիթ վարչական շրջանի քննչական բաժնում նախաձեռնված քրեական վարույթի շրջանակներում կատարված քննչական և վարույթային անհրաժեշտ գործողությունների արդյունքում պարզվել են էական նշանակություն ունեցող բոլոր հանգամանքները:

Մասնավորապես՝ 2024թ. փետրվարի 7-ին հաղորդում է ստացվել այն մասին, որ օրեր առաջ՝ 2024թ. հունվարի 27-ին՝ ժամը 18:30-ին, տանը վայր ընկնելու հետևանքով ստացած վնասվածքներով, «պոլիտրավմա» ախտորոշմամբ, բժշկական կենտրոն բուժօգնության է տեղափոխվել Նոր Խարբերդի 73-ամյա բնակչուհի:

Ձեռնարկված անհետաձգելի միջոցառումների արդյունքում պարզվել է, որ կինը վնասվածքները ստացել է, ոչ թե ընկնելու, այլ ծեծի ենթարկվելու հետևանքով: Ուստի դեպքի առթիվ քրեական վարույթ է նախաձեռնվել՝ ՀՀ քրեական օրենսգրքի 166-րդ հոդվածի 2-րդ մասի 7-րդ կետի հատկանիշներով:

Նշված դեպքից շաբաթներ անց՝ 2024թ. փետրվարի 29-ին, հաղորդում է ստացվել այն մասին, որ շտապօգնության խումբը բուժօգնության է մեկնել Ն. Խարբերդի նույն հասցե, որտեղ իր տանը մահացած է հայտնաբերել 73-ամյա կնոջը, ով օրեր առաջ բազմաթիվ վնասվածքներով տեղափոխվել էր հիվանդանոց:

Ամիջապես դեպքի վայր է մեկնել քննչական-օպերատիվ խումբը և վերջինիս հայտնաբերել հատակին ընկած՝ բազմաթիվ վնասվածքներով և խեղդամահ արված: Փաստի առթիվ ՀՀ քրեական օրենսգրքի 155-րդ հոդվածի 2-րդ մասի 9-րդ կետով նախաձեռնվել է քրեական վարույթ: Որոշում է կայացվել՝ նշված քրեական վարույթները միացնելու մասին:

Նախաքննությամբ հիմնավորվել է, որ երկու դեպքերում էլ տուժողին մարմնական վնասվածքներ հասցրել է նրա 53-ամյա որդին, ով, ըստ ստացված տվյալների, նախկինում եւս մոր նկատմամբ բռնություն է գործադրել:



2024 թվականի հունվարի 27-ին՝ ժամը 13:30-ի սահմաններում, վերջինս Երևան քաղաքի Նոր Խարբերդի իրենց տանը կենցաղային հարցերի շուրջ ծագած վիճաբանության ժամանակ մարմնական վնասվածք պատճառելու համար նախապես հարմարեցված բուժ առարկայով հարվածներ է հասցրել իր մոր դեմքի և մարմնի տարբեր հատվածներին՝ պատճառելով բազմաթիվ վնասվածքներ՝ դիտարկությամբ մոր առողջությանը պատճառելով ծանր վնաս՝ զուգորդված ընդհանուր աջխառուսակության մեկ երրորդից ավելի կայուն կորստով:

Նշված դեպքից շաբաթներ անց՝ 2024թ. փետրվարի 29-ին՝ ժամը 08:00-ից մինչև 15:00-ի սահմանները ընկած ժամանակահատվածում, դարձյալ կենցաղային հարցերի շուրջ ծագած վիճաբանության ժամանակ 53-ամյա տղամարդը, կյանքից զրկելու դիտարկությամբ, ապակյա շշով և այլ առարկայով բազմաթիվ հարվածներ է հասցրել աջ վերին և ստորին վերջույթների կոտրվածքների հետևանքով գիպսային անշարժացված վիճակում պառկած լինելու պատճառով դիտարկություն ցույց տալու կարողությունից զրկված, անօգնական վիճակում գտնվող իր մոր գլխի, դեմքի ու մարմնի տարբեր մասերին՝ պատճառելով կյանքին վտանգ սպառնացող մարմնական վնասվածքներ: Այնուհետև, հանցանքն ավարտին հասցնելու նպատակով, սեղմել է մոր պարանոցը և շնչա-հեղձ արել նրան: Նախաքննության ընթացքում նշանակված դիակի դատաբժշկական փորձաքննության եզրակացու-

թյան համաձայն՝ տուժողի մահը վրա է հասել մեխանիկական շնչափակումից, որը պայմանավորված է պարանոցի օրգանների սեղմումով:

Վարույթն իրականացնող մարմնի կողմից կատարված քննչական գործողություններով տվյալներ են ստացվել նաև այն մասին, որ 53-ամյա տղամարդը, ըստ համապատասխան բուժաստատությունից ստացված տեղեկանքի, դեռևս 2001 թվականից հաշվառված է եղել «Խրոնիկական ալկոհոլիզմով երկրորդ աստիճանի» ախտորոշմամբ: Քննության համար էական հանգամանքներ պարզելու նպատակով վերջինիս նկատմամբ նշանակվել է դատափորձաբանական փորձաքննություն, որի եզրակացության համաձայն՝ ինչպես ներկայում, այնպես էլ մեղսագրվող արարքը կատարելու պահին նա գիտակցել է իր գործողությունների բնույթը, նշանակությունը վտանգավորությունը, կարող էր հաշիվ տալ իրեն՝ կատարած արարքների համար, ղեկավարել դրանք, և վերջինս ճանաչել է մեղսունակ:

Ձեռք բերված բավարար փաստերի հիման վրա տուժողի որդուն մեղադրանք է ներկայացվել՝ ՀՀ քրեական օրենսգրքի 166-րդ հոդվածի մասի 2-րդ մասի 6-րդ և 7-րդ կետերով և 155-րդ հոդվածի մասի 2-րդ մասի 3-րդ և 9-րդ կետերով: Նրա նկատմամբ որպես խափանման միջոց կիրառվել է կալանավորումը:

Նախաքննությունն ավարտվել է, և վարույթի նյութերը, մեղադրական եզրակացությամբ, ուղարկվել են դատարան: **ՔՆՆՐ ՍՆՆՈՒԿՅԱՆ**

ԼՈՒՐԵՐ

## ՀԱՍՑՎԱԾ ՎՆԱՄԻՑ ՎԵՐԱԿԱՆԳՆՎԵԼ Է 25 ՄԻԼԻՈՆ ԳՐԱՄԸ

ՀՀ քննչական կոմիտեի Արմավիրի մարզային քննչական վարչությունում քննվող քրեական վարույթի նախաքննության ընթացքում տվյալներ են ստացվել առ այն, որ ՍՊ ընկերության տնօրենը, խախտելով «Հողային», «Ընդերքի մասին» ՀՀ օրենսգրքերի մի շարք հոդվածների պահանջները, ինչպես նաև խախտելով հողերի և ընդերքի օգտագործման և պահպանության կանոններ սահմանող այլ իրավական ակտերի դրույթները, 2021 թվականի ընթացքում Արմավիր մարզի Ապագա համայնքին և մի շարք անձանց սեփականության իրավունքով պատկանող հողատարածքներում շրջակա միջավայրին և ընդերքին անզգուշությամբ պատճառել է էական վնաս:

Նախաքննության ընթացքում պարզվել է, որ 2015թ.-ից վերոհիշյալ ՍՊ ընկերության սեփականատերն իրականացրել է լեռնային զանգվածի արդյունահանում ինչպես ընդերքօգտագործման թույլտվության սահմաններում, այնպես էլ՝ հարակից տարածքից:

Ընկերության կողմից, պատճառված վնասից, նախաքննության ընթացքում, կատարվել է 25.000.000 ՀՀ դրամի չափով վերականգնում:

Նախաքննությունը շարունակվում է: Միջոցներ են ձեռնարկվում վնասի մնացած մասը վերականգնելու և ներգրավված անձանց գործողություններին իրավական գնահատական տալու նպատակով:

## ԻՆՉ ԷՐ ՀԱՅՏԵԼ ԿՅԱՆՔԻՑ ԶՐԿՎԱԾ ՏՂԱՄԱՐԳԸ

«Ժողովուրդ» օրաթերթին հասած տեղեկությունների համաձայն՝ Սեւանի ճանապարհին, ըստ նախնական վարկածի, գոտիով իրեն կյանքից զրկած տղամարդը նամակ է թողել: Մասնավորապես, նա գրել է, որ կատարվածի համար որեւէ մեկը մեղավոր չէ, և նշված քայլին դիմել է կուտակված պարտքերի պատճառով:

Shamshyan.com-ը գրել էր, որ հուլիսի 29-ին առեղծվածային դեպք է տեղի ունեցել Գեղարքունիքի մարզում:

Տեղում ոստիկանները, պարեկներն ու քննիչները նշված վայրում հայտնաբերել են «Nissan Rogue» մակնիշի ավտոմեքենա, վարորդի նստատեղին էլ՝ վարորդի դին, պարանոցին էլ՝ ինչոր կասկածելի գոտի գցած:

Տեղի ունեցածը սպանություն է, թե ինքնասպանություն, պարզվում է:

Քննիչի հանձնարարականով ավտոմեքենան տեղափոխվում է ոստիկանության պահպանվող հատուկ տարածք:

Տեղում պարզվել է նաև, որ մահացածը Երևանի բնակիչ 45-ամյա Արտակ Մ.-ն է:

### ՊԱՐԶԱԲԱՆՈՒՄՆԵՐ

#### ԿՐԱԿՈՑԻ ՊԱՏՃԱՌԸ ԵՂԵԼ Է ԳԻՐՔՈՒՄ ԲՆԵԼՈՒ ՀԱՐՅԸ

Պարզվել են 2024թ. հունվարի 9-ին կատարված զինծառայող Կարեն Կարապետյանի սպանության մի շարք հանգամանքներ, այդ թվում՝ շարժառիթը:

ՀՀ քննչական կոմիտեի զինվորական քննչական գլխավոր վարչության հինգերորդ կայազորային քննչական բաժնում քննված քրեական վարույթով իրականացված քննչական և ապացուցողական գործողությունների արդյունքում փաստական տվյալներ են ձեռք բերվել այն մասին, որ զինծառայողի սպանության շարժառիթ է հանդիսացել վրեժխնդրությունը:

Մասնավորապես՝ պարզվել է, որ դեպքի օրը՝ 2024 թվականի հունվարի 9-ին՝ ժամը

04:30-ից 05:00-ի սահմաններում, կոչումով լեյտենանտ Կ.Կարապետյանը ծառայողական հարցերի շուրջ, այն է՝ դիրքում քննելու կապակցությամբ առաջացած խոսակցության ժամանակ, վիրավորական արտահայտություն է հնչեցրել ծառայակցի՝ Ն.Խ.-ի հասցեին:

Վերջինս, չհանդուրժելով իրեն հասցված վիրավորանքը, վրեժխնդրության շարժառիթով, 2024 թվականի հունվարի 9-ին՝ ժամը 06:00-ի սահմաններում, մոտեցել է պառկած վիճակում գտնվող Կարեն Կարապետյանին, որից հետո նախ մեկահատ, ապա կրակահերթ է արձակել վերջինիս ուղղությամբ՝ պատճառելով կյանքի հետ անհամատեղելի մարմնական վնասվածքներ: Նախաքննությունն ավարտվել է, և վարույթի նյութերը մեղադրական եզրակացությամբ ուղարկվել են հսկող դատախազին:

#### ԳԱՏՏԻԱՐԱԿԸ ԱԶԱՏ Է ԱՐՁԱԿՎԵԼ

Փոքր Վեդիի մանկապարտեզում սանի նկատմամբ բռնություն գործադրելու դեպքով ձերբակալված դատախազին ազատ է արձակվել: Այս մասին ArmLur.am-ին հայտնում են ՆԳՆ-ից: «Ձերբակալման 72 ժամը լրացել է, և նրա նկատմամբ խափանման միջոց ընտրելու հիմքեր չեն եղել», - հավելում են ՆԳՆ-ից: Հիշեցնենք, որ հուլիսի 26-ին համացանցում հրապարակվել էր տեսանյութ, որտեղ երևում է, թե ինչպես է մանկապարտեզի աշխատակիցը ֆիզիկական բռնություն գործադրում, ծեծում երեխային: Նշենք նաև, որ երեխայի ծնողները բողոք չեն ներկայացրել ոստիկանություն:

● **Ըստ ոստիկանության տվյալների՝ հուլիսի 29-ից հուլիսի 30-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 130 դեպք, որից 1-ը՝ նախկինում կատարված:**



ՀԱՍԱՐԱԿՈՒԹՅՈՒՆ

ՄԱՐԶ

ՄԱՀՄԱՆԱԳԾՈՒՄ ՀԵՒԻԿՆԵՐ ԵՆ ԱՃԻԱՏՈՒՄ

Սահմանազատման անվան տակ նախկինում արդբեջանաբնակ 4 գյուղերի ու Կիրանցի տարածքներն Ադրբեջանին հանձնելուց հետո՝ սահմանագոտում կառուցվում են գաղտնի օբյեկտներ, յուրաքանչյուրը՝ միլիոնավոր եվրոների արժուրդով:

Ո՞Վ ԷՐ ԿԱՌՈՒՑԵԼ ԽԱՇԹԱՌԱՎԻ ԿԱՄՈՒՐՋԸ

Իջեան համայնքի խաշթառակ գյուղի ժամանակավոր կամուրջն ընդամենը 3 օր աշխատեց, 4-րդ օրը՝ հուլիսի 28-ին՝ ժամը 15:15-ի սահմաններում, վարարած Աղստեղ սրբել-տարել է կամուրջի ձախ եզրի հողը՝ շարքից հանելով կամուրջը:

ՈՍԿԱՆ ՍԱՐԳՅԱՆ Տավուշ

«ԿԱՍՊԵՐՍԿԻ»

ԻՆՉՊԵՍ ԽՈՒՄԱՓԵԼ ԹԱՐՄԱՑՄԱՆ ԽՆԴԻՐՆԵՐԻՑ

CrowdStrike EDR լուծման հուլիսի 19-ի ոչ կոռեկտ քարտեզումն աշխարհում մեկ անդրադարձել է Windows-ով աշխատող սարքերի վրա, որոնք բոլորը նույն ժամին կորոզրաշիվ օգտատերերին ցույց են սվել «մահվան կադույս էկրան» (BSOD):



«Կասպերսկի» ընկերության տվյալներով՝ ուրբաթ՝ հուլիսի 19-ի առավոտյան, ամբողջ աշխարհում օգտատերերը հայտնել են Windows-ի հետ կապված խնդիրների մասին: CrowdStrike-ը հաստատել է, որ սկզբնապատճառը CrowdStrike EDR-ի csagent.sys կամ C-00000291\*.sys դրայվերում է:

Ամենից շատ տուժել են ավիացիոն ընկերությունները, օդանավակայանները, տարբեր բժշկական կենտրոններ, ցանցային խանութներ, Նյու Յորքի մետրոն, Հարավային Աֆրիկայի խոշորագույն բանկը եւ շատ այլ կազմակերպություններ: Խափանումից տուժածների ամբողջական ցանկը կարելի է ուսումնասիրել հղմամբ:

«Կասպերսկի»-ում համարում են, որ բավական խնդրահարույց է գնահատելը, թե որքան ժամանակ կպահանջվի աշխարհում այս կամ այն տեղեկատվական համակարգերի ամբողջական վերականգնման համար: Ամեն ինչ բարդալուծ է նրանով, որ օգտատերերին անհրաժեշտ է ձեռքով վերագործարկել իրենց համակարգիչներն անվտանգ ռեժիմում: Իսկ խոշոր կորպորացիաներում դա, որպես կանոն, հնարավոր չէ անել ինքնուրույն՝ առանց համակարգային ադմինիստրատորի օգնության:

Այնուամենայնիվ, CrowdStrike-ի հետ կապված խնդրից՝ դրա դրայվերի թարմացման առաջացրած մահվան կապույտ էկրանից ազատվելու համար անհրաժեշտ է:

Գործարկել համակարգիչը անվտանգ ռեժիմում:

Անցնել C:\Windows\System32\drivers\CrowdStrike. Գտնել եւ ջնջել csagent.sys կամ C-00000291\*.sys նիշքը:

Վերագործարկել համակարգիչը նորմալ ռեժիմում:

«Կասպերսկի»-ի փորձագետների կարծիքով՝ նման իրավիճակից հնարավոր էր խուսափել բավականին պարզ եղանակով: Առաջինը՝ չթողարկել թարմացումներն ուրբաթ օրը: Սխալի դեպքում շտկման համար շատ քիչ ժամանակ է մնում: CrowdStrike-ի խափանումից տուժած բոլոր ընկերությունների համակարգային ադմինիստրատորները խնդիրը շտկելու համար գրեթե հաստատ աշխատել են բոլոր հանգստյան օրերին:

«Բայց ամենակարեւորը թողարկված թարմացումների որակին առավելագույն պատասխանատվությամբ վերաբերվել է: Մենք «Կասպերսկի» ընկերությունում դեռեւս 2009-ին գործարկել ենք մեր հաճախորդների մոտ զանգվածային խափանումների կանխարգելման ծրագիրը եւ անցել SOC 2 աուդիտ, որը հաստատում է ներքին գործընթացների անվտանգությունը: Ահա արդեն 15 տարի յուրաքանչյուր թարմացում անցնում է աշխատանքային բազմաստիճան ստուգում տարբեր կոնֆիգուրացիաներում եւ օպերացիոն համակարգերի զանազան տարբերակներում: Սա մեզ թույլ է տալիս նախապես բացահայտել հնարավոր խն

դիրները եւ լուծել դրանք «ափին»: Անհրաժեշտ է հետեւել ռեկվերի փոքր փուլերով թողարկման սկզբունքին: Հարկ է թարմացումները տարածել աստիճանաբար, այլ ոչ թե միանգամից բոլոր հաճախորդներին: Նման մոտեցումը հնարավորություն է տալիս անհապաղ արձագանքել եւ, անհրաժեշտության դեպքում, կանգնեցնել թարմացումը: Եթե մեր օգտատերերն ինչ-որ խնդիր են ունենում, ապա մենք անպայման գրանցում ենք այն, դրա լուծումը դառնում է գերակայություն ընկերության բոլոր մակարդակներում»,- տեղեկացնում է «Կասպերսկի»-ն՝ պարզաբանելով, որ ինչպես է կիբեռանվտանգության միջադեպերի դեպքում, տեսանելի վնասը վերացնելուց բացի, անհրաժեշտ է գտնել սկզբնապատճառը՝ ապագայում նման կարգի խնդիրները կանխելու համար: Անհրաժեշտ է թեստային ենթակառուցվածքում ստուգել ծրագրային պրոդուկտների թարմացումների աշխատանքային ընթացքը նախքան ընկերության «մարտական» ենթակառուցվածքում ծավալելը, աստիճանաբար ներդնել փոփոխությունները՝ վերահսկելով հնարավոր խափանումները:

ԱՆՆԱ ՍՐԱՊՈՒՆՅԱՆ

ՏԵԽՆՈՃԱՄԲԱՐ

ԱՆՑԿԱՑՎԵՑ 10-ՐԴ «ԱՐՄԱԹ»-Ը

Հուլիսի 19-28 Գլխիցանի Մոնթե Մեդիայի անվան վարժարանում անցկացվեց «Արմաթ» ամառային սեմինար-գիտական ճամբարը՝ նախատեսված 10-14 տարեկան դասակիների համար: Հայաստանի սարքեր մարզերից մասնակիցները միավորվեցին կրթության, ժամանցի, սպորտի, մշակույթի եւ հայրենաճանաչողական արժանիքների շուրջ՝ ստանալով հիմնարար գիտելիք, գործնական հմտություններ ու քիմում աշխատելու փորձ:

Ճամբարին մասնակցեց 100-ից ավելի երեխա 33 տարբեր մարզերից՝ ինչպես նոր ներդրված «Արմաթներից», այնպես էլ վաղուց «Արմաթներ» հաճախող եւ նույնիսկ

«Արմաթ» չհաճախող պատանիներ: Տեխնոճամբարը կապող օղակ հանդիսացավ բոլոր մարզերի պատանիներին իրար կապելու, ընկերացնելու եւ ապակենտրոն կրթություն ապահովելու համար:

Անցկացվեց ռոբոտաշինության մրցույթ, լողի, ֆուտբոլի միջոցակատային առաջնություններ, ինտելեկտուալ խաղեր, ազգային պարի դասընթաց, ՈՍԱ վարժանքներ՝ կրակային պատրաստություն, առաջին բուժօգնություն, ժայռամազլցում, հանդիպում համայնքի ներկայացուցիչների հետ եւ այլն: Հարթող ջրկատները պարզեցնեցին:

Նպատակն էր՝ խտացված օրակարգով, մասնակիցներին հիմնովի պատկերացում տալ ճարտարագիտական աշխարհի մա-

սին, համայնքի մաս դարձնել, որն էլ իր հերթին նրանց հետագա ուսումնառությունն ավելի արդյունավետ կդարձնի: Այդ 9 օրերի ընթացքում տեխնոճամբարը խթանեց պատանիների թիմային մտածելակերպը, բացահայտեց նրանց ուժերը եւ թույլ կողմերը, սովորեցրեց հետադարձ կապի հմտությունը եւ արդյունակենտրոն աշխատանքը:

Ճամբարում երեխաների առօրյան հագեցած էր. ռոբոտաշինության մրցույթին նախապատրաստություն, Ողջ Մնալու Արվեստի վարժանքներ (ՈՄԱ), առաջին բուժօգնության դասընթաց, լողի ու ֆուտբոլի առաջնություն ջրկատների միջեւ, ինտելեկտուալ ու ժամանցային խաղեր, քայլարշավ եւ այլն:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 15 պատահար. 3 մարդ զոհվել է, 18-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ԻՆՉՈ՞Ւ ԵՆ ԱՃԵԼ ՀԵՂՈՒԿ ՔԱԶԻ ԳՆԵՐԸ

Հեղուկ գազի գները վարորդների համար դարձել էին մղձավանջ հիշեցնող «անակնկալ»:

Բանն այն է, որ հեղուկ գազի գները շեշտակի թանկացել են, սակայն, ինչպես նկատելի է, այն էն թանկանում է, ե՛ն էժանանում:

«Մի քանի անգամ նման դեպքեր եղել են, երբ մատակարարում չի լինում՝ ճանապարհների խցանումների կամ, ասենք, ճանապարհները սառած լինելու, Վերին Լարսը փակ լինելու դեպքում եւ այլն: Ընդհանրապես, եղած-չեղածը մի քանի ցիստեռն են բերում, Հայաստանում հեղուկ գազ քիչ են օգտագործում, եւ դրա համար մի քանի օր չլինելու դեպքում գները սկսում են աճել»,- այս մասին ArmLur.am-ի հետ զրույցում ասաց տնտեսագետ Գագիկ Մակարյանը:

Տնտեսագետը նաեւ նշեց, որ երբ Լորից հեղուկ գազ են բերում Հայաստան, դրա գինը սկսում է նվազել՝ հետ գալ նախնական գնին:

«Հիմա այդ փուլերից մեկն է, երբ Ռուսաստանից հեղուկ գազ բերելը դժվարանում է, դե հիմա Վերին Լարսը խցանված է, կարող է դա էլ պատճառ լինել, որ ուշանա, ու, քանի որ սպառումը կա, բայց քանակ չկա, սկսում է գինը աճել: Նույնն էլ բեռզինի դեպքում է: Դիֆիցիտն է բերում գնի թանկացման», - եզրափակեց տնտեսագետը:

ԳՈՒՄԱՐԸ ԿՆՎԱԶԵՑՎԻ

Հանրային մուլտիպլեքսի միջոցով հեռարձակում իրականացնող մի շարք մարզային հեռուստաընկերություններ 2024 թվականի հունիսի 27-ին աջակցություն ստանալու խնդրանքով դիմել են ՀՀ բարձր տեխնոլոգիական արդյունաբերության նախարար Մխիթար Հայրապետյանին. որոշվել է նվազեցնել պայմանագրային գումարը՝ սահմանելով համահարթ վարձավճար:

Այս մասին տեղեկացնում են ԲՏԱ նախարարությունից:

«Հեռուստաընկերությունների կողմից ներկայացված մտահոգություններն ու փաստարկները հիմնականում վերաբերում էին վերջիններիս ֆինանսական եկամուտների կտրուկ նվազմանը, ինչն էլ իր հերթին բերում է պարտքերի կուտակման եւ մոտ ապագայում կարող է հանգեցնել հեռուստաընկերությունների փակմանը:

Որոշում է կայացվել 2024 թվականի օգոստոսի 1-ից 20-40 տոկոսով նվազեցնել հանրային մուլտիպլեքսում հեռարձակվող մարզային հեռուստաընկերությունների պայմանագրային գումարը՝ յուրաքանչյուրի համար սահմանելով ամսական 200 հազար դրամ համահարթ վարձավճար:

Հարկ է նշել, որ որոշումը կայացնելիս հաշվի է առնվել նաեւ փոքր քաղաքների եւ գյուղերի բնակչության շրջանում մարզային հեռուստաընկերությունների մեծ պահանջարկը, ինչպես նաեւ դրանց կայուն զարգացման ռազմավարական նշանակությունը Հայաստանի Հանրապետության համար»,- ասված է հաղորդագրության մեջ:

ՈՐՈՇՈՒՄ

ՎԵՐԱՏԻՆԱՆՄԱՎՈՐՄԱՆ ՏՈԿՈՍԱԳՐՈՒՅՔԸ՝ 7.75%

ՀՀ կենտրոնական բանկը հայտարարություն է արձակել՝ նշելով. «2024 թվականի հուլիսի 30-ի նիստում ԿԲ Խորհուրդը որոշեց իջեցնել վերաֆինանսավորման տոկոսադրույքը 0.25 տոկոսային կետով՝ սահմանելով այն 7.75%: ԿԲ Խորհուրդը գնահատում է, որ ավելի ցածր վերաֆինանսավորման տոկոսադրույքն անհրաժեշտ է միջաժամկետում գնաճի 4% մակարդակի եւ գների կայունության նպատակով իրագործման համար:

2024 թվականի երկրորդ եռամսյակի ընթացքում 12-ամսյա գնաճը շարունակել է պահպանվել նպատակային ցուցանիշից ցածր մակարդակում՝ հունիսին կազմելով 0.8%: 12-ամսյա բնական գնաճը մնացել է անփոփոխ՝ հունիսին կազմելով 0.0%:

2024 թ.-ի երկրորդ եռամսյակում համաշխարհային եւ Հայաստանի հիմնական գործընկեր երկրներում տնտեսական աճի դանդաղման ռիսկերը պահպանվել են: Համաշխարհային գնաճը շարունակում է դանդաղել, սակայն գործընկեր երկրներում կոշտ գներով բնութագրվող ապրանքների եւ ծառայությունների գները դեռեւս մնում են հարաբերականորեն բարձր: Միաժամանակ, գործընկեր երկրներում գերտաքացած աշխատաշուկայի պայմանները շարունակում են նպաստել բարձր պահանջարկի պահպանմանը: Ձեռավորված աշխարհաքաղաքական անորոշությունները, ինչպես նաեւ միջազգային առեւտրային հարաբերություններում աճող լարվածությունը որոշակի ռիսկեր են առաջացրել միջազգային ապրանքաիւրջային շուկայում գների հետագա աճի եւ առաջարկի արժեզրոյանի հնարավոր խաթարման տեսանկյունից: Այս համատեքստում հավանական է, որ գործընկեր երկրների կենտրոնական բանկերը, մասնավորապես՝ ԱՄՆ ԴՊՀ-ն, ավելի երկար կպահպանեն դրամավարկային խիստ պայմանները: Արդյունքում արտաքին հատվածից թույլ գնանկումային ազդեցությունները ՀՀ տնտեսության վրա դեռեւս պահպանվում են:

2024 թ.-ի երկրորդ եռամսյակում Հայաստանում պահպանվել է բարձր տնտեսական ակտիվություն, որին մեծապես նպաստել է շինարարության, առեւտրի եւ արդյունաբերության ճյուղերի զգալի աճը:



Վերջինս շարունակում է կրել որոշ կարճաժամկետ գործոնների ազդեցությունը՝ պարունակելով էական անորոշություններ տնտեսական աճի կայունության, երկարաժամկետ հեռանկարի, ինչպես նաեւ ներքին պահանջարկի եւ սպառման հետագա միտումների վերաբերյալ: Ներքին ծառայությունների նկատմամբ արտաքին պահանջարկը 2023 թ.-ի համեմատությամբ դանդաղում է: Միեւնույն ժամանակ, հարկաբյուջետային քաղաքականության կողմից պահանջարկի լրացուցիչ խթանման ռիսկերը շարունակում են մնալ առարկայական: Աշխատաշուկայի պայմանները որոշակիորեն մեղմվում են՝ արտադրության շուկայում աշխատավարձերի աճի տեմպի նվազմամբ: Զուգահեռաբար, կոշտ գներով բնութագրվող ծառայությունների գնաճը եւ գնաճային սպասումները շարունակում են նվազել:

ԿԲ Խորհուրդը, առկա անորոշություններից բխող հնարավոր ռիսկերը կառավարելու նպատակով իր քննարկումների ընթացքում դիտարկում է բազմաթիվ սցենարներ: Մի կողմից, ԿԲ Խորհուրդը քննարկել է սցենարներ, որոնց հիմքում ընկած զարգացումները, այդ թվում՝ գործընկեր երկրներում ավելի երկար պահպանվող խիստ դրամավարկային պայմանները, ինչպես նաեւ աշխարհաքաղաքական եւ հարկաբյուջետային քաղաքականությունից բխող՝ երկրի ռիսկ-հավելվածների եւ չեզոք տոկոսադրույքի հետ կապված անորոշությունները, պահանջում են քաղաքականության՝ շուկայական սպասումների համեմատությամբ ավելի կոշտ արձագանք՝ գների կայունության նպատակով ապահովման համար:

Արդյունքում՝ նշված սցենարներից բխող հնարավոր կորուստները նվազագույնի հասցնելու մոտեցման ներքո, հավասարակշռվելով վերը նշված երկու ուղղությամբ ռիսկերը, ԿԲ Խորհուրդը որոշեց շարունակել դանդաղ տեմպերով իջեցնել քաղաքականության տոկոսադրույքը:

ԿԲ Խորհուրդը հայտնում է իր հանձնարարությունը համարժեք գործողություններով միջնաժամկետ հորիզոնում գնաճի 4% մակարդակի եւ գների կայունության նպատակի ապահովման համար»:

ԷՄԱ ՄԱՐՏԻՐՈՍՅԱՆ

ՀՐԱՊՈՐՏԱԿԱՆ ԾԱՆՈՒՅՈՒՄ

«Բի Ես Թի» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում շարունակելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետեւյալ լոտի բաց աճուրդը:

- Արարատի մարզ, համայնք Արգավան, Կենտրոնական փողոց, 24 հասցեում գտնվող 160,56 քմ բնակելի տուն, 46,95 քմ դալան, 140,59 քմ ավտոտնակ եւ 0,104169 հա հողամաս: Լոտի մեկնարկային գինը՝ 14250000 ՀՀ դրամ:

Աճուրդի փուլերը հղանդական եղանակով՝ ք. Երեւան, Սայաթ-Նովա պողոտա, 40 շենք, 82/31 հասցեում 16.08.2024թ.-ին, Ժ. 12:00-ին, այսուհետեւ յուրաքանչյուր աշխատանքային օր, նույն վայրում, նույն ժամին: Աճուրդի ավարտը՝ 16.09.2024թ.- ին:

Լոտի նկատմամբ սահմանափակումները՝ գույքը գրավադրված է:

Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն:

Նախավճարը վճարվում է «Բի Ես Թի» ՍՊԸ -ի դրամարկում աճուրդի կայացման հասցեում, ՀՀ օրենսդրությամբ սահմանված կանխիկ շենք չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվեհամարին), կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը:

Վերջին ամենաբարձր գնային հայտ ներկայացրած մասնակիցը, աճուրդավարի մուծիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդն ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտն ուսումնասիրելու, ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, Ժ. 10:00-ից մինչեւ 18:00-ն, այցելել վերը նշված հասցեով եւ ծանոթանալ լոտի հետ՝ այցելությունը նախապես համաձայնեցնելով Կազմակերպչի եւ Բորսայի հետ: Հարկային գործակալի հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մասնույում հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել [www.ilcbst.am](http://www.ilcbst.am) , [www.borsa.am](http://www.borsa.am) կայքերը:

«Օղովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

WCIT2024/DigiTec

# ԿԱՆԱՆՑ ԴԵՐԸ՝ ՏԵԽՆՈԼՈԳԻԱԿԱՆ ՈԼՈՐՏՈՒՄ

Հայաստանի Առաջատար Տեխնոլոգիաների ձեռնարկությունների միությունը (ԱՏՄ) փոխընթացում հուլիսի 27-28-ը (MoU) Ֆեմինոնո մակրոարժեքային հարթակի հետ՝ համագործակցելու 2024թ. Նորարարության և Տեխնոլոգիաների Համաժողովի՝ WCIT2024/DigiTec-ի ժամանակահատվածում կանանց մասնակցության ակտիվացման շուրջ:

ԱՏՄ-ի և Ֆեմինոնո-ի միջև կնքված հուլիսի 27-28-ը խորհրդանշում է համագործակցության ձեռնարկ, որն ուղղված է կոնգրեսում կանանց ներգրավվածության և մասնակցության խթանմանը՝ ընդգրկելով թե՛ տեղական, թե՛ միջազգային հանրային ու համայնքը: Միավորելով իրենց ռեսուրսներն ու գործընկերների կապերը, այս համագործակցությունը նպատակ ունի WCIT2024/DigiTec-ը դարձնելու նշանակալի իրադարձություն՝ հատկանշելով կանանց դերը տեխնոլոգիական ոլորտում՝ Հայաստանը ներկայացնելով նաև որպես կանանց նորարարության և առաջնորդության առաջատար կենտրոն:

WCIT2024/DigiTec-ի կազմակերպիչները գործադիր տնօրեն Հայկ Կարապետյանը և Ֆեմինոնո մշակութային-նորարարական հարթակի հիմնադիր Սեդա Պապոյանը փոխանակվեցին հուլիսի 27-28-ը և կարճ ելույթով հայտարարեցին հուլիսի 27-28-ը՝ համատեղ ջանքերով խթանելու WCIT2024/DigiTec-ը:

«Ֆեմինոնոյի հետ համագործակցության միջոցով մենք նպատակ ունենք հարստացնելու WCIT2024/DigiTec-ի օրակարգը կանանց ավելի մեծ ներկայացվածությամբ: Իմ անձնական փորձից գիտեմ, որ Հայաստանում ընկերություններում ղեկավար պաշտոնների շուրջ 40 տոկոսը զբաղեցնում են կանայք:

Այս համագործակցության միջոցով մենք ձգտում ենք հարստացնել մեր միջոցառումը՝ ներգրավելով ավելի շատ մասնագետների, որոնք քննարկումներին կբերեն իրենց մասնագիտական փորձառությունը:

Այս համագործակցությունը երաշխավորում է, որ մեր օրակարգը կլինի ոչ միայն համապարփակ, այլ նաև բազմազան է ներառական, արտացոլելով կանանց իրական ներուժը տեխնոլոգիական ոլորտում»,- ասաց WCIT2024/DigiTec-ի կազմակերպիչ գործադիր տնօրեն Հայկ Կարապետյանը:



Այս համագործակցությունը նպատակ ունի ընդգծելու այդ թվում նաև կոնգրեսի «ԱԲ-ի կանացի հմայքը» (The Grace of AI) հանդիպումների շարքի կարևորությունը, որը նվիրված է գեղարվեստի հավասարության և թվային ոլորտում տնտեսական հզորացման խթանմանը: Այս գործընկերությունը ցույց է տալիս ավելի ներառական տեխնոլոգիական միջավայրի ստեղծման հանձնառությունը՝ ապահովելով հարթակ, որտեղ կանայք կլինեն առավել ներկայացված ու լսելի:

«Որպես առանձնահատուկ ուղղվածություն ունեցող կազմակերպություն՝ մենք միշտ ձգտում ենք ավելի մեծ ճանաչման և ներկայացվածության: Այսպիսի մասշտաբի միջոցառման հետ համագործակցությունը ոչ միայն համախմբում է մեզ, այլև ուժեղացնում մեր ջանքերը՝ Հայաստանի համար նշանակալի ազդեցություն գրանցելու համար: Այս համագործակցությունը կարևոր քայլ է մեր առաքելությունում՝ ընդլայնելու կանանց հնարավորություններն ու հասնելու ավելի մեծ արդյունքների»,- ասաց Ֆեմինոնո մշակութային-նորարարական հարթակի հիմնադիր Սեդա Պապոյանը:

WCIT2024/DigiTec-ը տեղի կունենա 2024 թվականի հոկտեմբերի 4-7-ին Երեւանի Կարեն Դեմիրճյանի անվան մարզահամերգային համալիրում՝ «ՄՏԻ ՈՒՇԸ Արհեստական բանականություն՝ սահմաններից այն կողմ՝ Էթիկայի շրջանակներում» խորագրով:

WCIT2024/DigiTec-ի անցկացման չորս օրերին Հայաստանը կվերածվի տեխնոլո-

գիական մտքի կենտրոնի՝ հանդիսանալով հարթակ ոլորտի և թեմայի շուրջ առաջատար համաշխարհային խոսակցությունների ելույթների, պանելային քննարկումների և B2B հանդիպումների համար: Համաժողովի շրջանակներում կանցկացվի նաև WITSA World Cup ստարտափների մրցույթը, կներկայացվեն նորարարական ցուցադրություններ, բիզնես ներկայացումներ, սեմինարներ և այլ միջոցառումներ:

WCIT2024/DigiTec համաժողովը կդառնա գլոբալ հարթակ, որը նպատակ ունի՝ ներկայացնելու հայաստանյան, և ոչ միայն, տեխնոլոգիական ներուժը Դիժիթալ Էքսպոյի շրջանակներում, որը հանդիսանալու է հիմնական էքսպո հարթակը WCIT2024/DigiTec-ի համար,

- ուժեղացնելու տեղեկատվական տեխնոլոգիաների ազդեցությունը, իրազեկելու նորարարությունների ու ԱԲ վերջին և ապագա զարգացումների շուրջ,

- Հայաստանը ներկայացնելու միջազգային հարթակներում և դիրքավորելու որպես նոր տեխնոլոգիական հաբ տարածաշրջանի համար,

- խթանելու ներդրումները և ընդգծելու ՏՀՏ լուծումների կարևորությունը տարբեր տարածաշրջաններում և տնտեսություններում:

Համաժողովի օրակարգը ընդգրկում է լայն աշխարհագրությամբ մասնակիցների՝ ավելի քան 2,000 միջազգային պատվիրակներ կայցելեն Հայաստան միջոցառման օրերին:

ՀՈՐԻ ԲԱՂԱՍՍՈՐՅԱՆ

ՄԱՐԶԱԿԱՆ

## ՈՐՔԱՆ Է ՎՃԱՐՈՒՄ ՄՊԵՐՑՅԱՆԻ ՏՐԱՆՍՖԵՐԻ ԳԻՄԱՑ

«Կրասնոդարը» պատրաստ է դիտարկել կիսապաշտպան Էդուարդ Սպերջյանի տեղափոխությունը Եվրոպայի թոփ առաջնություն ոչ պակաս, քան 18 միլիոն Եվրոյի առաջարկի դիմաց, հաղորդում է Metaratings-ը:

Աղբյուրի փոխանցմամբ՝ ֆրանսիական «Լանս» արդեն առաջին առաջարկն արել է, բայց ավելի քիչ է առաջարկել նշված գումարից: Ֆրանսիական ակումբը դեռ չի հրաժարվել բանակցություններից: Նշվում է նաև, որ կրասնոդարյան ակումբը կարող է խնդրել «Լանսին» մի քանի փուլով վճարել 18 մլն Եվրո ֆուտբոլիստի տրանսֆերի դիմաց: Սպերջյանի նկատմամբ հետաքրքրություն են ցուցաբերում նաև Եվրոպական առաջնությունների այլ թիմեր, սակայն պաշտոնական առաջարկ դեռ չի եղել:

24-ամյա Սպերջյանը «Կրասնոդարի» հիմնական թիմում հանդես է գալիս 2021 թվականից: Նախորդ մրցաշրջանում Էդուարդը բոլոր մրցաշարերում մասնակցել է 33 հանդիպման, որոնցում դարձել է 11 գոլի և 7 գոլային փոխանցման հեղինակ: Նրա գործող աշխատանքային պայմանագիրն ակումբի հետ նախատեսված է ես երկու մրցաշրջանի համար: Transfermarkt-ի համաձայն՝ ֆուտբոլիստի արժեքը գնահատվում է 20 միլիոն Եվրո:

## ՀԱՅԱՍՏԱՆԻ ՀԱՎԱՔԱԿԱՆՆԸ՝ ՉՈՐՐՈՐԳ ՏԵՂՈՒՄ

Բասկետբոլի Եվրոպայի Մ18 առաջնության C դիվիզիոնում տղամարդկանց Հայաստանի հավաքականը գրավել է չորրորդ տեղը: Երրորդ տեղի համար խաղում Սեակ Բեթենջյանի գլխավորած թիմը 53-79 հաշվով պարտվել է Ալբանիայի հավաքականին:

Հայ բասկետբոլիստները մրցաշարում անցկացրել են չորս հանդիպում, տարել մեկ հաղթանակ, կրել երեք պարտություն:

## ՀՂԻՈՒԹՅԱՆ 7-ՐԳ ԱՄՍՈՒՄ՝ ՀԱՂԹԵԼ Է ՄՐՑԱԿՑԻՆ

Եգիպտոսի սուլեթամարտիկ Նադա Հաֆեսը հիդիոթյան 7-րդ ամսում մասնակցել է 2024 թվականի Փարիզի Օլիմպիական խաղերին: Այս մասին մարզիկը խոսել է սոցցանցերում:

«Մենք իրականում երեք հոգով էինք հարթակում: Ռա ես էի, իմ մրցակիցը ել իմ դեռ չծնված երեխան: Ես ու երեխաս շատ դժվարություններ ունեինք՝ թե՛ ֆիզիկական, թե՛ էմոցիոնալ: Բախտս բերել է, որ անվերապահորեն ունեմ ամուսնուս և ընտանիքիս աջակցությունը»,- գրել է մարզիկը սոցցանցերում:

26-ամյա մարզուհուն հաջողվել է 1/16-րդ փուլում հաղթել ամերիկացի մցակցին՝ Էլիզաբեթ Տարտակովսկին՝ 15:13 հաշվով: Սակայն 1/8-րդ եզրափակիչում Հաֆեսը 7:15 հաշվով պարտվել է հարավկորեացի մրցակցին՝ Չունգ Հայունգին:

«ՎԱՐՊԵՏԱՑ ԴԱՍԵՐ»

# ՎԵՐԱՊԱՏՐԱՄՏՎԵԼ Է 50 ԳՐԱԴԱՐԱՆԱՎԱՐ

Խնկո Ադոր անվան ազգային մանկական գրադարանի իրականացրած «Վարդեպետ դասեր» խորագրով «Գրադարանավարների վերադասարանի դասընթացներ» ծրագրին ամփոփվել է:

Վերապատրաստման դասընթացներն անցկացվել են Խնկո Ադոր անվան ազգային մանկական գրադարանում երկու փուլով՝ հուլիսի 2-4-ը և 24-26-ը:

Դասընթացներին մասնակցել են Արարատի, Արմավիրի, Գեղարքունիքի, Արագածոտնի, Լոռու, Շիրակի, Տավուշի, Կոտայքի և Վայոց ձորի մարզային և հա-

մայնքային գրադարանների 50 աշխատակիցներ:

Նախարարության աջակցությամբ իրականացվող ամենամյա ծրագրի նպատակն է ապահովել շարունակական կրթությունը գրադարանային ոլորտում, նպաստել գրադարանավարների մասնագիտական աճին և կարողությունների զարգացմանը: Եռօրյա դասընթացների շրջանակում Խնկո Ադոր անվան ազգային մանկական, Ամերիկյան համալսարանի Փափազյան, Ավ. Իսահակյանի անվան քաղաքային, ՀՀ գիտությունների ազգային ակադեմիայի գրադարանների փորձառու գրադարանավարներն ու ոլորտի

մասնագետները ծրագրի մասնակիցներին ներկայացրել են գրադարանային գործի գործառնությունները, խոսել ոլորտային մարտահրավերների հարթակային մասնակցության մոտեցումների մասին: Նշենք, որ «Գրադարանավարների վերապատրաստման դասընթացներ» ծրագիրը միտված է նաև ամրապնդելու գործընկերային կապերը, նպաստելու համագործակցության զարգացմանը մարզային ու համայնքային գրադարանների միջև: Դասընթացների ավարտին ծրագրի բոլոր մասնակիցները ստացել են հավաստագրեր:

● Օգոստոսի 4-ին՝ ժամը 18:00-ին, Բյուրականի Հանդարտ մշակութային այգում կցուցադրվի «Ցանկապատ» ներկայացումը: Տոմսերի արժեքը՝ 5000-12000 դրամ:




Էջը՝ ԱԼՎԱՐԴ ԿՈՇԿԱԿԱՐՅԱՆԻ

## ԿՐԹԱԿԱՆ

Հարց. Ես ուզում եմ իմանալ՝ ով կարող է աշխատել որդես ուսուցիչ:

Սիլվա Մելքոնյան (46 տարեկան)



**ՊԱՏԱՍԽԱՆ.** Համաձայն «Հանրակրթության մասին» ՀՀ օրենքի 26-րդ հոդվածի՝ ուսումնական հաստատության ուսուցիչ կարող է լինել այն անձը, որը ստացել է բարձրագույն կրթությամբ մանկավարժական համապատասխան որակավորում կամ ունի բարձրագույն կրթություն և վերջին տասը տարվա ընթացքում տվյալ առարկայի մանկավարժական (կամ ուսուցչական) գործունեության առնվազն հինգ տարվա աշխատանքային ստաժ:

Առնվազն մեկ անգամ հայտարարված մրցույթի արդյունքներով ուսուցչի թափուր տեղը սահմանված պահանջները բավարարող անձով չհամալրվելու դեպքում ուսուցչի տվյալ թափուր տեղի համար հայտարարված հաջորդ մրցույթին կարող է դիմել նաեւ՝

1) տվյալ առարկայի մասնագիտական ոլորտում բարձրագույն կրթություն ունեցող և տվյալ մասնագիտական կրթական ծրագրով կամ առանձին մոդուլներով իրականացվող դասընթացի միջոցով մանկավարժահոգեբանական և ուսումնամեթոդական հմտություններ ապահովող առնվազն 30 կրեդիտ հավաքած անձը,

2) բնագիտություն, տեղեկատվական հաղորդակցական տեխնոլոգիաներ, ճարտարագիտություն, մաթեմատիկա (ԲՏԾՍ) առարկաների մասնագիտական ոլորտում բարձրագույն կրթություն ունեցող անձը՝ աշխատանքի ընդունվելուց հետո՝ մեկ տարվա ընթացքում, մանկավարժահոգեբանական ու ուսումնամեթոդական հմտություններ ապահովող մոդուլներով իրականացվող դասընթացի միջոցով առնվազն 30 կրեդիտ հավաքելու պայմանով:

**ՀՀ աշխատանքի և սոցիալական հարցերի նախարարություն**

**«ԺՈՂՈՎՈՒՐԳ».** Նշենք, որ 1-ին և 2-րդ կետերով սահմանված դասընթացը կարող է կազմակերպել կրթության պետական կառավարման լիազորված մարմնի երաշխավորած կազմակերպությունը կամ բարձրագույն ուսումնական հաստատությունը՝ կրթության պետական կառավարման լիազորված մարմնի երաշխավորած կրթական ծրագրով:

## ՍՈՑԻԱԼԱԿԱՆ

ՀԱՐՑ. Ի՞նչ դեպք է անի անձը կենսաթոշակի անցնելու համար:

Սուսաննա Մարտիրոսյան (39 տարեկան)



**ՊԱՏԱՍԽԱՆ.** Հայտնում ենք, որ եթե անձը ձեռք է բերել կենսաթոշակի անցնելու իրավունք, ապա առաջին հերթին պետք է նախապատրաստի կենսաթոշակ նշանակելու համար անհրաժեշտ փաստաթղթերը և դիմի իր բնակության (հաշվառման) վայրի կենսաթոշակ նշանակող մարմին: Այսպես, տարիքային կենսաթոշակ նշանակելու համար նա պետք է ներկայացնի՝

- 1) դիմումը,
- 2) անձը հաստատող փաստաթուղթը,
- 3) հանրային ծառայությունների համարակիշը,
- 4) աշխատանքային ստաժը հաստատող փաստաթուղթը (աշխատանքային գրքույկը, անհրաժեշտության դեպքում՝ ստաժը հաստատող այլ փաստաթղթեր կամ արխիվային տեղեկանքներ),
- 5) սոցիալական վճար կատարած լինելու մասին ծառայության տված տեղեկանքը (կամ այդ փաստը հավաստող վճարման հանձնարարագրեր, անդորրագրեր) կամ գործատուի (Հայաստանյայց առաքելական սուրբ եկեղեցու եկեղեցականի դեպքում՝ Մայր Աթոռ Սուրբ Էջմիածնի կաթողիկոսարանի) տված տեղեկանքն աշխատավարձի չափի մասին՝ ըստ տարիների և ամիսների,

6) լուսանկար (4 x 6 սմ չափի):  
Կենսաթոշակ նշանակող ստորաբաժանումում նա լրացնում է աշխատակցի տրամադրած դիմումի ձեռք, որից հետո նրան է վերադարձվում դիմումի ծանուցումը, որտեղ նշվում է դիմումի գրանցման համարը, ընդունման ամսաթիվը, ընդունող աշխատակցի ազգանունը, անհրաժեշտության դեպքում՝ լրացուցիչ փաստաթղթեր ներկայացնելու ժամկետը:

**ՀՀ աշխատանքի և սոցիալական հարցերի նախարարություն**

**«ԺՈՂՈՎՈՒՐԳ».** Կենսաթոշակ նշանակելու համար բնակության վայրի մասին տեղեկանք չի պահանջվում, բավարար են անձնագրում քաղաքացու անձնական տվյալների և նրա հաշվառման վայրի մասին նշում պարունակող էջերի պատճենները:

## ԼՈՒՐ ԿԱԴՐ

Լուսանկարը՝ համացանցից



Գեղարքունիքի մարզի Մարտունի քաղաքում այս տարվա հուլիսի 4-ից 14-ը հայտարարված գեղանկարչական սիմպոզիումի ընթացքում ստեղծված 47 բարձրարժեք կտավները պահ տրվեցին Մարտունու համայնքապետարանին՝ առաջժ գարդարելով քաղաքի մշակույթի տան դահլիճի նախարարին: Մրցույթն ամփոփվեց օրերս՝ հուլիսի 28-ին:

## ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնենք ձեր բարձրացրած բոլոր խնդիրներին:

## ԱՌԱՋԱՐԿ

### հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

### Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային ես/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

## ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+8 + 13 +19 + 23
☀	Կոտայքի լեռներ	+8 + 12 +18 + 21
☀	Կոտայքի նախալեռներ	+16 + 18 +25 + 27
☀	Գեղարքունիք	+ 8 + 12 +17 + 20
☀	Լոռի	+11 + 14 +18 + 21
☀	Տավուշ	+14 + 18 +20 + 23
☀	Արագածոտնի լեռներ	+8 + 11 +17 + 20
☀	Արագածոտնի նախալեռներ	+16 + 18 +25 + 28

☀	Արարատ	+18 + 20 +28 + 30
☀	Արմավիր	+17 + 19 +28 + 30
☀	Վայոց ձորի լեռներ	+10 + 12 +18 + 21
☀	Վայոց ձորի նախալեռներ	+18 + 20 +28 + 30
☀	Սյունիքի հովիտներ	+17 + 21 +23 + 26
☀	Սյունիքի նախալեռներ	+11 + 14 +18 + 21
☀	ԼՂՀ	+12 + 16 +18 + 20
☀	Երեւան	+18 + 20 +30 + 32

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22<sup>ա</sup>/3, հեռ.՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 30.7.2024

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: